


حقوقى بىلىكىلىرىمۇجەمىئەسى

ھەر آيك اون بېشىندە نىشر اولتور



فضله علمك وازمی؟ فنا كسه لك اطرافنده کی كسه لره فنانق و ای كسه لك ایلك
ایستدكاری سن تقدیر ایتمش سكده بن او درجه جاهلی یم كه كوروشدیکم كسه لره فنانق
ایستدیکم حالده بوندن بالذات كندمك ضرره معروض قاله جفمی آكلایم یم و بو فنا
حرکتی، دیدیکك کی، ایستیهرك پاپیم؟ خیر، مهله توس، بونی نه بكا نه ده كیمسه یه
ایناندیرامازسك. او حالده كیمه یی افساد ایتمه یورم باخود ایدیورسم قصداً دكلدر.
ایشی فصل تدقیق ایسهك سن یالان سولیدیورسك! اكر، افساد ایدیورسم بوکی غیر
قصدی قباحتردن ناشی بی حضور محاکمه یه جلب ایتمه كه قانون مساعد اولما یوب بی
بر طرفه چكوب نصیحت ایتمكلك لازم كلیر! چونكه ظاهر دركه تنور ایقسم بلا قصد
یایدیم شیلری یامام. فقط سن بنم ایله بولوشمقدن احتراز ایستك و بی تنویردن
چكندك و بی ده بورایه كتیریورسك كه قانون، تنویره محتاج اولانلری دكل، جزایه
مستحق اولانلرك محكمه یه سوقنی امر ایدیور.

[بتمه دی]

غ. ف.

حقوق بحریه بین الملل :

پارس دارالفنون حقوق فاکولتسی
و علوم سیاسیه مکتبی معلملرندن

نوروزیه

۱۹۲۵-۱۹۲۶ سنه لرنده عقد اولنان حقوق بحریه یه متعلق قونفرانسلر

معلم شهر حقوق بحریه متخصصی موسیوریهز بوشعبه علمك تكمیلی ایچون بین الملل یاییلان مساعی
حقنده بر فکر بجل حصوله کلی ایچون صوك ایکی سنه ظرفنده اتفاقاد ایدن قونفرانس وقونفره لرحقنده
« زورنال دهمدروآ شترناسیونال » ده بر تبیع نشر ایتمشدر؛ اوروپا حقوق علمنده حاكم اولان جریانلردن
قارلرمرنك خبردار اولماسی ایچون بو تبیی ترجمه ونشر ایدیوروز. حقوق بحریه بین المللك توحیدله اشتغال
ایدن رسمی قونفرانسلر ایله جمعیتر مساعیلری تقسیم ایدرهك هر برینك صلاحیتی تعین وثبیت ایتمشلردر.
بو صوك ایکی سنه ظرفنده شایان اهمیت نتایج الهه ایدلشدر. بونلری خلاصه بوراده ذكر و بیان ایلمکی
فائده لی عد ایلدك :

۱- بروكسل ده منعقد سیاسی قونفرانس

حقوق بحریه نك توحیدی ایچون منعقد سیاسی قونفرانس آلتنجی اجتماعی ۱۹۲۶

سنه ۱۹۲۲ یسہ عقد اولشدر . بواجتماعدن ایکی معاهده نامه تحصیل ایشدر .
بونلردن برنجیسی تمامیلہ یکی بر مایتده اولوب دولت مالی سفائٹک مصونیتہ متعلق درہ
دیگری ایسہ ۱۹۲۲ سنہ سندہ عقد اولنان سفائن اوزرنده کی امتیازات و ایپوتکک
حقنہ کی معاهده نامه نك تعدیلندن عبارتدر .

دولتہ عائد سفائٹک مصونیتی حقنہ کی استلافنامه

دولت لک تجارت کیلرینہ مالک اولہرق آنلری طوغریدن طوغریہ ایشلملری
دولت سفائٹک تابع اولہجنی اصول وقواعد حقوقیہ مسئلہ سنی اورنایہ آتمشدر .
مذکور کیلری علی العادہ سفائن تجاریہ عدا ایتک ایستیانلرہ قارشو و مثلا خسارات
ایقاع ایستکرنده بو کیلر اوزرینہ حجز وضع ایتک ایستیانلرہ کمی نك صاحب اولان دولت
کندی مصونیتی ایلرو سورہ رک اصحاب مطلوبک کندی علیہنہ حقوق عادیه طریقارینہ
وبا خصوص اجرا اصولہ توسل ایتلرینی تجویز ایلزدی . فرانسه ده محاکم ، اجنبی بر
دولتہ عائد سفائٹک قابل حجز اولمادیغہ حکم ایلرلردی . عینی قاعدہ دولتہ عائد اموال
حقنہ دخی جاری اولسی اقتضا ایدر ایدی .

بتون بونلردن مجهز صفتی اکتساب ایتش اولان دولت لک وضعیتارینی بر معاهده نامه
ایلہ تعیین ایتک ضرورتی حاصل اولشدر . قبول اولنان معاهده نامه نك برنجی ماده سندہ
دولت لک عائد سفائن وحوالہ ایلہ دولت لک کندیلری دخی ، سفینہ لک ایشلیمسی وحوالہ
نقلیاتی خصوصندہ بالعموم خصوصی مجهز لک تابع اولدقلری عینی مسئولیت ووجیہلرہ
تابع بولندقلری ذکر وایسان ایدلشدر . بونک طبیعی بر نتیجہ سی اولہرق
خصوصات مذکورہ دن طولانی حقوق عادیه نك صلاحیت محاکم دعاوی و اصول محاکمہ
متعلق قواعدی دولت لک قارشو دخی تمامہا تطبیق اولنہ حقدر . (استلافنامه نك ۲ نجی
مادہ سی) . بوکا مقابل دولت لک ، بر مجهز دفع دعوی ، مرور زمان و تحدید مسئولیت
ضمنندہ استناد ایدہ بیلدیکی بالجلہ اسباب قانونیہ یی عینلہ درمیان ایدہ بیلہ جکدر .
(دردننجی ماده نك برنجی فقرہ سی)

قواعد مبحوثہ بر تشبث تجاریہ ده بولنان دولت کیلرینہ مخصوص اولوب غیر تجاری

بر خدمتہ تخصیص ایدلش اولان دولت کیمیری بوندن مستنادرلر. بوصفہ داخل کیمارک انواعی معاہدہ نامہ دہ تعداد ایدلش بولمقده در. مع مافیہ بو قابل سفائی ایشلتن دولت، بونلرک مصادمہ، معاونت، لوازم اعطاسی و تعمیرات خصوصاً بوندن متولد دعاوی بی کندی محکمہ لرنده رؤیت ایلکی قبول ایلیدر. کیمارک دولته عائد اولوب اولمادقلرینک اثنائی، معاملہٴ تجزیہ بی طور دیرمق ایچون سیاسی مأمورک تصدیقلہ موقتاً قابل و ممکن اوله جقدر (۵نجی مادہ). بوندن سفینہ نک مافیہ منسوب اولدینی دولت قوانینی ایله تعیین اوله جنی حکمی استخراج اولمقده در. بو قاعدہ نک تطبیق آده، سوویت جمهوریتلری ائتلافنامہ یه اشتراک ایتدکلری تهدیدہ و چونکہ بتون روس سفینہ لری ملیشدیرلش اولدقلری جهتله، مشکلاتی داعی اولمقہ پک مساعددر.

حرب وقوعده بین الملل ائتلافنامہ نک حکمی رأساً انقطاعه اوغرامیہ رق ائتلافنامہ مذکورک ۷نجی مادہ سی واضع الامضا بولنان هر بر دولت ایچون کنڈیسنه عائد تجارت کیمیریلہ حموله لرک ضبط و مصادره لرینہ مانع اولمق ایچون دولتک مصونیتنه استناد ایدہ جکنی دیگر واضع الامضا دولتره اعلان ایلک حقنی طایمقده در.

اون طقوز حکومت قونفرانسه تمثیل ایدلش بولنیوردی. بو نمثلرک همان کافی سی بعضی صورت قطعده، بعضی ایسه تصدیقه تعلیقاً ائتلافنامہ بی امضالامشدر. جواهر متحدہ آمریکا قونفرانسه مرخص اعزام ایتمامش ایسه ده مسئله یه انتاج ایدلش نظر یله باقدقلرینی چونکہ ۹ مارت ۱۹۲۰ تاریخلی «آدمیرالٹی آقت» Admiralty Act ایله ۳ مارت ۱۹۲۵ تاریخلی «پوبلیق وه سلس آقت» Public Vessels Act قانونلریله حکومت سفائی حقوق عادیہ قواعدینہ تبعیتی اثبات و اعلان ایلش بولنیوردی.

بحری امتیازات و ایپوتکلر حقنده کی ائتلافنامہ

فرانسه حکومتی ۱۹۲۲ سنه سندہ طوپلائمش اولان سیاسی قونفرانس طرفندن حاضرلاران ائتلافنامہ بی امضا ایلدیکی حالده مذکور ائتلافنامہ دیگر مملکتلرده و بالتخصیص انکلتره وهولانداده پک چوق ممانعتلره معروض قالش ایدی. بوندن ماعدا نمثلرینک درمیان ایتدکلری مطالب نظر اعتباره آلهرق بونلری تطمین ایتک خصوصی استهدافاً

قلمه آلتش اولدینی حالده جماییر متحده آمریکا طرفدن حسن قبول کورماشدی .
بوکا بناء درکه ۱۹۲۲ استلافنامه سنک تصدیقه انتظار ایتمکسزین احکامنک یکیدن تدقیق
وتعدیل لزومی عموماً قبول ایدلش ایدی .

۱۹۲۲ استلافنامه سنده اجرا ایدیلان تعدیلاتک باشلیجه سی کی نک لوازم سفریه
وتعمیراتی ایچون بخش اولان امتیازک درجه سی تعیین ایتمک اولمشدر . ۱۹۲۲ استلافنامه سنده
بو امتیاز ایکنجی درجه ده وایپونک دن صکره تصنیف ایدلش بولنیور ایدی . بو قبیل بر
امتیازک ایکنجی درجه ده بر ایلیمسی سفینه قایدانک اعتبارینی ودولایسیله کی نک ایشتمه
خصوصاتی خللدار ایده جک ماهیته کوریه رک ۱۹۲۵ سنه سنده منعقد استلافنامه تجویز
وتعمیرادن متولد امتیازی برنجی صنفه چیقارتمشدر . بوندن ماعدا تضمینات ایچون موجود
امتیاز ایله بر درجه یه قدر عینی ماهیته اولان قونشمستودن متولد مطلوبات ایچون موضوع
امتیازی یکی استلافنامه الغا ایتدیکی ایچون بین الدول قبول اولمش اولان امتیازلر ایپونک
امتیازینه تفوق ایتش بولنه جقلردر . بنابرین ایکنجی درجه ده امتیاز اوله رق یالکزر
قوانین ملیه جه قبول اولان امتیازلر قالمقده در .

۱۹۲۲ استلافنامه سنده اجرا ایدیلن دیکر تعدیلاته کلنجه بونلرک جزئی اهمیتلری
وارددر . تضمینات امتیازینک تطبیقاده درجه شمولی تعیین (۲نجی ماده فقره ۴) لوازم
سفریه وتعمیرات امتیازینک مرور زمانی آلتی آی اوله رق تبیتی (۹نجی ماده) اولجه
تقرر ایتش اولان اشبو امتیازک قید وتسجیلی مجبوریتنک رفعی (۱۲نجی ماده) ایله
بو یوله کی مرور زمانک تأخیری دخی رفع ایدلشددر .

۱۹۲۵ جنوه قونفرانسی

بین الملل بحری قومیه جنوه ده منحصر آ یولجیلرک مجبوری سیغورطه سی خصوصی ایله
اشتغال ایلشددر . ۱۹۲۳ سنه سنده کوتنبورغ ده انعقاد ایتش قونفرانسه بو مسئله موضوع
بحث اولش وبو بایده بر لایحه احضار ایتسی ایچون یارسده حزیران سنه ۱۹۲۴ تاریخده
اجتماع ایتش اولان بر قومیسونه حواله کیفیت ایتش ایدی . نقل ایلدیکی اشخاصه
قارشو مجهزک قصورندن ویا عقددن متولد مسئولیتی یرینه مجبوری بر سیغورطه اصولی

اقامه ایلکدر که مهاجرلر ایچون اهمیت مخصوصه بی حائزدر. مجهزلر قوانین ملیه نك کندیلرینه کونك برنده تحمیل ایدیه بیلجه کی برطاق اصول وقواعددن احترازاً مجبوری سیغورطه اصولنك قبولنی ترویج ایتکده درلر. بونکله برابر مجهزلر آره سنده بو خصوصلرده پك چوق اختلاف افکار موجود بولمقده در.

بوراده سیغورطه تعبیری اك واسع معناسیله آکلاشیلمالیدر. بودها طوغریسی قانونی برتأمینادن عبارتدر و مجهزایسه کندیسنی سیغورطه واسطه سیله تحت تأمینه آلمقده در. یولجی بیلتنی آلمق صورتیه سیغورطه ایدلش اولوب بونك ایچون آیریمجه هیچ برکونا مراسم و معامله یه توسل ایتسنه احتیاج یوقدر. شاید معین اولان تضمینات مقداری کندیسنجه غیر کافی عدا ایدلدیکی تقدیرده کندیسنی بشقجه سیغورطه ایتدیر بیلور وبوکا مجهز اصلاً نمانعت ایتك صلاحیتی حائز دکلدر. بویولده اعطا ایدیه جك تضمیناتك مقداری ولو تخفیفی برصورتده اولسون هنوز تثبیت ایدلش دکلدر. بو آنجق مهاجرت اموریه اشتغال ایدن مقامات زردنده اجرا ایدیه جك تحقیقات نتیجه سنده تعین ایدیه بیلجه جکلدر. شایان مذاکره برطاق مسائل اساسیه ده واردر. از جمله مجبوری سیغورطه واسطه سیله مجهزك مسئولیتك تماماً مرتفع اولوب اولمادی بی در. احضار ایدلش اولان لایحه قصدی ویا غیر قابل عفو خطایی استنا ایتکده در. بوندن آغیر فقط قصدی اولمایدن قصورندن طولانی مجهزك معاتب اولمایه جفی آکلاشیلیور. عینی زمانده یولجی نك قباحتی ایله عدم تقید خصوصلری دخی لایحه ده استنا ایدلکده در.

جنوه قونفرانسی اناسنده مسائل مبحوئه حقنده پك مهم مطالعات درمیان ایدلشددر. آنوه رسده ۲۴ حزران ۱۹۲۶ تاریخنده طوبلانمش اولان قومیسسیون ایلک پروژیه یی اصلاح و تعدیل ایلشددر. اشبو پروژه ۱۹۲۷ سنه سی آغستوس اینده آمستردامده انعقاد ایدیه جك اولان قونفرانسه مذاکره ایدیه جکلدر.

بین الملل مساعی قونفرانسی

مایس - حزران ۱۹۲۶ تاریخلرنده جنوره ده طوبلانمش اولان سکزنجی بین الملل مساعی قونفرانسنك روزنامه سنده تجارت کیمیلرینی علاقه دار ایدن بر مسئله موجود ایدی اوده کیمیلرده مهاجرلرک تفتیش و مراقبه سنك ساده لشدیرلمسی در. تفتیش خصوصاتی

حقنڊه برائتلافنامه پروژہ سنی قبول ومهاجرت ایدن قادینلرک حمایہ سی حقنڊه وصایا قیلندن مقررات اتخاذ ایلشدور.

١٧ الی ٢٤ جزیرانده انعقاد ایتمش طقوزنجی مساعی قونفرانسی ایسه بالتخصیص مسائل بحریه به حصر مساعی ایلشدور. قونفرانسه اوج استلافنامه پروژہ سی تکلیف ایدلمش ایدی. بونلردن ایکی دانه سنی قبول ایلش. بونلردن برنجیسی کمی طائفه سنک استخدامنه متدائر اولان مقاوله نامه لره تعلق ایتمکده در. بو پروژہ ده مقاوله نك انعقادی ایله فسجنه دائر اولان قواعد عمومیه دن باحث در. بونکله برابر برچوق خصوصاتده قوانین ملیه نك نظر اعتباره آلنه جنی ذکر ایدلمکده وحکومتلر ایچون بو بایده ایجاب ایدن قوانین مخصوصه بی نشر ایلک مجبوری اعلان قلمقده در.

تطبیقاتده اهمیت فیضله اولان ایکنجی استلافنامه کمی طائفه سنک وطنلرینه عودت لری مسئله سندن باحث در. وطنه عودت تعبیری بوراده پک شمولی معناسیله آکلاشلمق ایجاب ایدر. طائفه نك کندی مملکتنه می یوقسه قید اولندیقی ویاخود کمی نك ایلک اول عزیمت ایلدیکی لیما نه قدر می سوق اولنه جفنگ تعینی قوانین ملیه به بر اقلمشدر.

احکام انضباطیه وجزائیه به متعلق اولان استلافنامه ایسه ایجاب ایدن ثلثان اکثریتی جمع ایتمدیکی ایچون قونفرانس طرفندن قبول اولنما مشدر. طائفه نك کمی بی ترک ایله فرار مسئله سیدر که قواعدک ملتله آره سنده توحیدینه جدی بر مانع تشکیل ایلشدور.

بین الملل مساعی قونفرانسی کمی طائفه سنک مساعی سنک صورت تفتیشنه متعلق قواعد عمومیه حقنڊه بروصایا پروژہ سی قبول ایلشدور. اشو وصایاده مساعی نك نه صورتله تنظیم ایدلمک ایجاب ایلدیکی، مفتشلرک وظائف وصلاحاتی ایله بونلرک سائر لیما ن ایشلری مأمور لریله اولان مناسباتی تعیین ایدلمکده در. اشو قونفرانس اثناسنده احضاری قومیسونک اعضای یکیدن انتخاب ایدلمش وبوقومیسون تکرار کانون ثانی سنه ١٩٢٧ تاریخنده جنورده انعقاد ایدرک ایلک انعقاد ایده جک بحری قونفرانسک روزنامه مذاکرانه کمی طائفه سنک مساعی حقنڊه کی قوانینک بین المللشدیرلمسنی مجلس اداره به تکلیف ایلشدور.

۱۹۲۶ سنه سی ویانه قونفرانسی [*]

مارسلیاده انعقاد ایتمی مقرر اولان International Law Association (حقوق بین الملل جمعیتی) ۳۵ نجی اجتماعنی آغستوس ۱۹۲۶ تاریخده ویانه ده عقد ایلشدر. اشبو قونفرانسک مذاکراتی میانده عقود تجاریه ده قولانیله جق نقده متدائر اولانلریله خسارات عمومیه نك تضمیننده قامیو مسئله سنه دائر قواعدك تئیتیه متعلق اولانلری شایان ضبط ونظر در. قونفرانس بر طاقم قواعد قبول ایدرك بونلره علاقه دار اولانلر طرفندن ویانه قواعدی نامیله استناد ایدیله بیله جکدر.

ایلك درت قاعده تأدیات مسئله سنه متعلق اولان اساسات عمومیه بی محتویدرلر. اصل اولان تأدیاتك مقاوله نامه ده مصرح اولان نقد ایله اجرا ایدلمسیدر. شاید مقاوله نامه ده تصریح ایدلماش ایسه قامیو تأدیاتك بالفعل اجرا اولدینی کونده کی رایجه کوره حساب ایدلمیدر. مع مافیه وعده سنده کندی صنع وتقصیریه تأدییه ایتماش اولان بورجولو بوندن طولانی ترتب ایدن ضرر وزیانی دخی تضمینه مجبور طوتیلور.

۵ نجی قاعده خسارات عمومیه غرامه لرینك صورت ترتیب ونظیمی اراده ایلکده در. غرامه لر آتون قیمتنده اولان قنود حسابیله تنظیم ایدیله جکدر. یعنی قواعد مبحوئه ده تعریف ایدلدیکی کبی غرامیه اداخل اولنه جق مصارف وفدا کارلقلرک اختیار اولندقلری آندن اعتباراً آتون ایله باشه باش قیمتده قالمغه دوام ایتمش اولان نقد ایله حساب ایدیله جکدر. بوندن صکره مصارفات وفدا کارلقلر ایله هموله نك فروختی اثماننك نه زمان حساب ایدلمسی اقتضا ایده جکنه دائر ایضاحات لازمه اعطا ایدلمکده در. موقت حصه اشتراک لر ایله آوانسارک آتون قیمتلی نقده تحویلنه متدائر اولان (se) نومرولو قاعده بالخاصه قیده شایاندر.

قواعد مبحوئه آتفه Anvers & York قاعده لرنده اولدینی کبی بتون قوتلری علاقه دارلر طرفندن قبول ایدلملرندن عبارتدر. بونك ایچوندرکه بونلرک قونشمتولر درج ایدلمش اولملری اقتضا ایدر.

دوره ریه

[*] بوقونفرانس حقنده قلمه آلدیقم مقاله وقونفرانسه تصویب وقبول ایدیلن قواعدك ترجمه سی بمجوء مزك بشنی نسخه سنده انتشار ایشدر. غ. ف.